

雅雨堂文集

卷三
卷四



12250

雅雨堂文集卷三

德州盧見曾抱孫甫著

雅江書院記

同里後學
曾孫

國朝刊本

六書圖
編次
書校

書院固雅江勝地也舊名梓潼宮爲文昌帝君別館在縣治之東南宮高人雲望數里其檻棟相連而閣于南者曰桂香閣舊制卑隘歲甲辰邑人重新之乙巳春予來宰是邑會落成焉規模壯麗結構嚴後之人無以加美故閣之建也其待時而興者與此地襟水抱山朝嵐暮雲川原雲物可嘯可歌然登百尺樓上如面牆立不可以遠眺則又甚憾之且夫天生勝地不自秘惜供人挹取豈非造物者之至公也哉而或者有其地未必值其人有其人未必值其地雖人與地兩相遭而位置未得其宜觴咏未極其致皆甚可惜也因低徊久之工旣成不可復易且重惜物力爲捐俸庀材稍增損之閣之前有樓因而樓之翦厥掖豁然敞焉左有堂因而堂之培厥基嶄然起焉頽壁盡去四無障礙綴以明窗使風雨晦明皆可遊息霞彩烟嵐悉歸俯仰越三句而工畢徵邑士之賢而文者從予遊爲講道藝敷絃歌之地顏其門曰雅江書院廣文教也顏其樓曰雅雨樓志風土也又易桂香閣曰望春閣邑故多孝廉無捷南宮者爲從予遊者勉之也堂曰博文仍舊額前有作者不忍沒也成邑宰之志者孝廉袁心願

貢生萬鵬也邑宰者鬲津盧見會也

似柳州小品 顧震滄

雅雨堂文遺集

卷三

記

龍鳳溝碑記

亳之水患非天爲之也亳無高山大陵亦無培塿四郊之外如平洋惟西北稍高然甚狹東南廣數百里皆窪下之地雨澤時降則泛濫而無所歸河之受水者南有泚北有渦貫通二河有古乾溪之溝而乾溪之淤塞固已久矣水患之尤甚者洛河中心溝油河諸水皆會于三漲口之清游湖又兼受河南鄰邑之水故其勢益浩汗所恃以入渦者則有梭溝而梭溝之淤塞又已久矣其南之達梭溝者則有牛毛河其東之入渦者則有阜溝田家溝脫韁溝悉皆淤塞不治故知非天之爲災不盡力于溝洫者之過也雍正九年予以蒙城令代理亳州已知其水患之可以除卒卒未三月而去又四年自六安調治亳乃得親履其土度其勢而爲之始至則欲開梭溝然梭溝有砂礪十里不可以開衆論紛紜莫之適從予思渦之兩岸皆土擇其卑下之地別開一溝以分三漲口之水而達于渦則利等于梭溝而功省于砂礪計已決有告予者曰水之達渦者舊有龍鳳溝雖已淤塞而形勢依然其土之淤塞十不敵砂礪之一計惟開龍鳳溝以復其故道則水之阻于砂礪者既可由龍鳳以入渦而龍子岡黃家溝之由牛毛河以達梭者亦皆由龍鳳以旁洩于渦則諸水悉治予曰善因集紳士耆老而共議之計工若干費若干財賄之所

出力役之所徵一聽民之所願時則倡事者有人出貨者有人督工者有人予又時以酒食勞之不數月而龍鳳溝以成于是牛毛河入龍鳳溝者龍子溝自斗溝至河黃家溝自老龍湖至河河自樊家橋至修家溝皆開淤通道以入過而白魚港則由阜溝入渦狐狸澗則合田家溝入渦田家溝並脫韁溝則後相繼成功而毫之水患十除八九矣至乾溪雖不可以不濬而猶可稍緩且綿亘四十餘里兼有橋梁待修予將以二三年圖之而今已遷廬州是繼予者之責也已噫予興水利于六安十之成八九矣而遷廬州將行皆眷顧依違而不忍去安得之成又八九矣而遷廬州將行皆眷顧依違而不忍去安得不倦倦焉致望于後之君子吾知當

雅雨堂遺集

卷三

記

四

聖明之世任司牧之責人有同心必不忍矜前人之功而自病其民也溝之長與深廣丈尺并出貨共事者之姓名皆載之碑陰以誌不可磨滅云

指畫明晰是有用文字

顧震涼

捍禦水患具見留心民瘼固不獨以其文也而文亦明劃

可傳

張殿傳

重修四賢祠記

穎與亳皆宋畿南名郡代有賢守而歐陽文忠歷典二州嘗序其思穎詩表乞致仕以終老于西湖公之澤深著穎毫之間公念念不忘穎故穎亳人世世不忘公云按傳公始至穎奏免黃河夫萬餘人築塞白龍溝注水西湖灌溉腴田以爲民利仍建書院使淮西人士咸知向學穎人祀公于湖配以晏元獻殊呂正獻公著蘇文忠賦爲四賢祠崇德報功甘棠勿敗固其宜爾明以穎亳兩州隸鳳陽府而郡廢明季兵燹闡潰湖竭迄于今又百年矣官于穎者惟馬公之驛嘗一濬此湖未幾復潰十頃玻璃風鞠爲茂草而殘雪頽垣夕陽斷碣同剝蝕于荒烟野馬之間可慨也夫雍正三年分置穎亳兩直隸州十三年置穎州府通隸兩州舊屬之地予由亳州牧來守是郡甫下車郡人以濬湖葺祠爲請予思四賢事業彪炳史冊仕宦所經歷之地莫不願引以爲重况歐陽公有大功德于穎其廣陵殆至已有終焉之志中歷二十年自南都至中書在亳及青始終惓惓未嘗忘穎其詩序具在歷歷可考又非漫引爲重者之可比夫讀公之書撫公之遺民而不以公之治爲治非學也以公之治爲治而不列公于祀典尤非崇德報功之道予故由邦人之請而特詳揭歐公之事以示穎之人俾後世有所考焉其以祠來請者并陘縣知縣

吳茂陵臨城縣知縣李榮白銅陵縣教諭寧世發監生劉肇
彭等皆穎產于例得牽連書

雅雨堂文遺集

卷三

記

六

潁州重濬西湖記

潁之西湖在城西北隅遠不知其所始唐許渾從事潁已有西湖清譙之句至宋益顯歐陽文忠公嘗典是州去後序其思潁詩表乞致仕以終老于西湖後人因祀公湖上合以晏元獻殊呂正獻公著蘇文忠軾今所稱四賢祠者是也潁無高山大阜地洿下三川貫潁是湖實鍾靈秀歐陽公嘗奏免黃河夫萬人築塞白龍溝蓄水西湖以爲民利坡公亦云千夫餘力起三閘焦陂下與長淮通是湖之興廢直關一境之利害匪特以游觀與前人之餘思而已明季閘廢湖水洩後有盜湖爲田者湖幾廢乾隆丙辰余奉

惟雨堂遺集

卷三

記

七

命來守潁潁人士以復湖爲請或有難之者曰是湖之盜田者衆已同永業且湖久堙廢堦界難明奈何余諭于衆曰盜湖爲田乃民與湖爭利非太守欲奪民之田以爲湖也今復湖則利及于一州而任民侵耕利湖旁居民數十家止耳且民侵耕所得不過沮洳之地倘湖盡廢爲平陸大水時至衝溢蕩嚙害且及室廬利害孰爲輕重今欲辨湖之盜與不盜片言而決湖廢而閘址尙存第築閘止水使湖水平閘水之所浸非侵盜而何衆咸曰善由是民爭自首羣情大和畚鍤齊施數月之內湖復舊觀重葺四賢祠而以宋僉書趙令時明通判呂景蒙二公配享凡有功於湖者不敢忘也做杭之

西湖築亭湖心別建一室曰畫舫齋誌歐公遊也極湖水所至爲埂界有餘地則爲水田令民佃之而歲收其入以爲修濬之用令後爲可繼也余惟司牧者以水事爲重維賴地勢卑下卽使無前人之遺迹尙當因勢利導爲民興利而除害矧前人之所傳彰彰如是不克修舉致百年之利泯焉廢墜咎何可辭周官稻人職以防止水以溝蕩水湖水得闡以瀦必陸地有通流以達于河而後蓄洩有備敢閉以時旱無槁苗澇不敗禾厥利甚大余方膺

寵命不獲久留于濬溝已啓端緒未竟厥功謹詳書其事以告來者湖袤十里廣視其十分之二穎舊爲州雍正十三年升爲府其始建議濬湖及後襄力者爲郡人吳茂陵李榮白寧世發劉肇彭等時乾隆元年丙辰秋七月

又字最難在質朴此文剖析利害處確確鑿鑿如指諸掌

洵可與西湖並傳

顧震滄

濬湖以爲民也然非中有卓見其不阻于浮議者鮮矣看此記中一段疏別是非利害直是見得到做得徹然非心乎民瘼亦不能直行獨斷如此諸禦水患記當以此爲第

一張殿傳

永平府書院碑記

敬勝書院建于府城平山之麓故武成王廟右蓋武學舊址
云乾隆甲子

天子起會于謫戍俾牧潞州逾年擢本郡守先是永公寧治
斯郡政通人和綱目畢張會來歲大熟訟獄益息蕭然無餘
事思惟報國莫如爲國作人爰因郡人修武廟之請請建書
院于總督那公蘇圖布政使方公觀承報可郡人輸財趨事
沛然若江河之就下月餘費用大集于是監稅工部備公寶
柱購材于桃林之口昌黎縣致浮于海之大木相宅鳩工位
其中爲講堂堂三楹前爲門後爲齋亦各三楹右爲學舍南

雅雨堂遺集

卷三

九

北向者三各五楹東西向者四各三楹散室三各二楹通計
四十有二楹庖湑寢處器用之需莫不備具廟之制若殿若
廡若櫺星門悉復其舊觀合院之四十二楹而繚以垣得請
于丙寅年六月迄于丁卯年四月凡十閱月而工畢乃延名
師立學規徵七屬士之才者肄業焉進之曰二三子亦知武
學之興廢與予以敬勝名書院之義乎明初定天下建國學
立六堂積分之法乃命韓國公李善長選勳臣子弟入學又
置武學于大寧等衛蓋將範武于文使介冑之士皆知說禮
樂而敦詩書其用意深遠故其爲制也明以備嚴而不苛法
久浸弛而會典程式累朝猶修明之永平武學建于隆慶劉

公應節其時入學者猶應襲舍人也崇禎十年命天下府州縣學皆設武學生員提學一體考取雜達無實而學舍荆榛矣末流沿襲祖宗之法而或反其意概如斯夫古之教者文武不分途古之學者體用無偏廢太公以見知之聖際會鷹揚陰符云乎哉丹書曰敬勝怠者吉怠勝敬者滅於戲此太公所以爲王者師也二三子朝夕誦習于斯仰瞻廟貌迺其德業之巍巍明乎見而知之爲何事而敬以爲主者之家國天下無所處而不當斯其處也有守而出也足以有爲如以舉子業爲文章之能事而不究其全體大用之所在則與騎射技勇以爲武者等耳二三子尙其顧諟以毋忘斯義

雅雨堂文集

卷三

記

十

諸生皆起曰謹受教遂書之以爲記斯役也積費千七百有奇以其工之餘千權子毋供膏火方規畫擴充更置田產爲久遠計同經始者某某董役庀材綜理細密俾費省而功多則盧龍庠生何灝也

中間叙武學興廢處源委確鑿議論精采與泛作書院

記者不同

顧震滄

爲國作人固是守土者第一件事然此文高處尤在中間及後一段說來俱有關係可以昭國典而勵士氣朱子稱李泰伯文能從大處起議論吾子此文亦云

張殿傳

洋河築壩挑引河碑記

洋河發源塞外裂坨山由界嶺入口爲撫寧縣之東北境抵塔子山轉而南循兔耳山麓掠縣治之西繞紫荆山以南入于海形家所謂隨龍水也康熙甲子河身東徙然去縣治尙數里乾隆丁卯水暴漲其自兔耳循麓而南者橫趨直東阻于古城之廢邱則刷嚙土根以南下而震蕩及于西郊廻視甲子河身又淤爲斷流矣郊故有明帥黃公惟正墓逼于河邑人不忘公之能軍以庇其先人也議遷墓以避之邑令錢君咨于衆曰是固然矣然水且益近亦將遷城以避之與乃以發帑復故道爲請予檄遷安令端木君勘之令故老子河

雅雨堂遺集

卷三

十一

者也復予曰撫之患迫矣邑令請復故道是也而未知河也洋河冬春僅一帶水爾夏秋霖雨則天馬半壁將臺諸山漲澎湃奔會乘建甌之勢捲石如斗夾沙以行數十年來故道之壅于沙石者積爲阜壤復之費以萬計詳勘駁覆更歷歲月撫之患亟慮不及待且邑人憂及黃公墓而不周視其上流尤未知河勢河本循兔耳麓而南自故道壅爲阜壤橫流射北郊今資爲捍禦者獨古城之廢邱在衝嚙不已必盡潰潰則北郊悉爲巨浸不但西也謂宜亟保古城于其上流頂衝築圓壩障毋使東乃因廢邱之勢築斜長壩使大溜不得直下折而西南若餘波之溢而東者于黃公墓再築圓壩以障

之壩之制編荆爲筐縮以巨木護以椿實以灘石草坭用民力值三百金以上西北兩郊無旦夕之患矣夫洋之水力固能捲石挾沙以行者也不得志于東必逞于西而西固水之故道也予曰善親勘之端木君爲樹立標竿指畫形勢邑士夫以及耆老民匠環而觀聽者千人咸悅服無異議乃上圖議于制府那公蘇圖具摺以

聞

制曰可錢君復請于予曰三壩之制善矣願更有進夫水就下者也古城以南甲子河身之淤爲斷流者壅而高黃公墓之爲今河身者刷而下河經兩壩捍導雖折而西南倘阻于

雅甫堂遺集

卷三

七

斷流仍泛而東則黃公墓之壩危矣謂宜亟挑引河于斜長壩尾因大溜之折而西南開水道以納之于甲子中淤再于斷流之淤開水道以達于老河兩引河總長二百一丈上者寬十丈深五尺下者寬二丈深三尺其加費可數計而收效可龜卜也予曰善再上其議復報可令首捐百金邑人輸財趨事不啻謀其室家役作于乾隆戊辰三月庚子竣于四月壬午計費白金五百四十兩有奇歷夏秋兩汛郊廬田墓俱無恙餘波之溢而東者比其退舍沙石之壅如西故道邑人舉手加額咸謂今而後莫予毒也已予惟茲役相度得形勢之要使費省而功易舉者江寧端木君長宏也同民之患周

畫萬全悅以使民民忘其勞者常熟錢君鋈也然微我制府
那公淵明坐照任人勿疑二君又何由効其尺寸之長而奏
厥膚功也哉是均不可以無紀也乃從邑人之請爲文以饒
諸石並載襄事之衆于碑陰以垂不朽

源委詳悉利害分明實實經濟之文允堪垂不朽

顧震滄

此與前龍鳳溝記皆爲民捍禦災患之作當並垂不朽

殿傳

雅雨堂文遺集

卷三

記

三

重修天津府儒學碑記

自古建學者必于國之陽壇墀之地宅高勢崇使瞻而知尊
治材用物使久而恆固潔其堂皇使禮行而肅廣其舍宇使
事集而備時其繕完望焉而若新盛其鼓舞興焉而不倦非
是無以宏聖道成教法也我
朝尊師右文典禮隆備追崇

先聖五代之祀禋正從祀諸儒建書院加特科廣博士弟子
員額九州俎豆之區罔不承流向風以仰副德意天津于神
京爲左輔東距大海洋船鹽筴百貨之所輻輳又自明以來
爲軍衛之地其改爲州治因而陞府纔三十年人心風俗之

雜雨堂遺集

卷三

記

四

漸染于功利猶未有克丕變者所以崇奉學宮習祭案鼓篋
之儀以播絃誦之雅化視他郡宜尤亟歲辛未余遷長蘆運
使始至釋奠仰瞻殿墜陟利門無傾圮櫺星門內外水渌而
蘆茂席板以渡乃得進而展禮頽垣通市完者亦卑不及肩
爲慨然太息久之謀修建于臺使耆高公恆公曰吾志也按
察司副使董君承勛知府熊君繹祖閩之交贊其事予乃簡
官師之能受功者率作典役疏其水而去之使無復淤菴其
草而絕之使無復苗垣宇所設增其庠植其傾木石所施汰
其朽任其壯滌之壘之丹之履之自堂徂基周內及外凡學
所宜具者靡不舉于是枚枚翼翼瞻者赫然知學宮之尊而

仰聖教之大且將使津之士因是興起以臻乎日新之盛而復推其餘以及里巷鄉曲之間皆知慕文學而敦禮讓夫固予所旦夕期之者已是役也經始于乾隆七月辛未其落成則以十月庚子凡八十五日而畢工計財用之費爲金一千一百有奇抑考天津于明之正統始建學宮歷景泰至崇禎二年而修者五我

朝自順治十年至康熙四十七年而修者四雍正九年陞州爲府十一年知府李君梅賓修建府縣兩學迄今甫十八年而修者三是何後之修者若是其亟歟余惟津爲水鄉水不治則壅壅則地潰宮之垣墉屋舍因以傾圮官斯土者尙其雅惠等遺集

卷三

五

以時疏濬而葺治之于以敦行典禮崇獎儒術輔成聖天子覃敷文教之盛而毋視爲緩圖斯則余之所臨文興嘆而不能無望于後之人者也

先生勤于吏治所至皆有殊績其在津門奏課之餘修理學官創立書院以身爲士子表率所以揚厲而鼓舞之者雖文翁之化蜀郡何武之治揚州不是過也碑記簡潔不支不蔓後之泣是上者讀是文可以窺見先生之文章政

績云

惠定宇

重修天津府武廟碑記

唐元宗朝廟祀太公爲武成王與孔子並自唐迄宋代增從祀凡數十百人明制建武學于大寧等衛隆慶間復增修之今在直隸者凡五所京省各一其三則天津永平宣化皆關海巖疆也余守永平日嘗因郡人修武廟之請卽其廢學舊址建書院以課士而名之以敬勝六年化大行士皆敦禮讓而能文章其以怠勝廢業者無有焉辛未春余轉運長蘆蒞任後以時展謁見武廟圯壞與永平等因白之總督方公觀承鹽院吉公慶重修之爲文以記其事曰緬惟太公以武功定天下故樂記有武舞曰發揚蹈厲太公之志乃其陳戒武王則首以敬立訓孔子曰修己以敬太公實先之其與孔子並祀血食萬世宜也余觀周之盛時將帥之材類皆賢聖宣王中興方叔召虎仲山甫無不出入風雅降及春秋趙衰論帥猶曰說禮樂而敦詩書其言皆原本于道德至漢初乃有拔劍擊柱飲酒爭功之習與丹書所陳始相謬盪余嘗謂發揚蹈厲與所謂敬勝者實異名而同歸惟敬則主宰精明丰采表著故立朝則正己格物臨陣則殺敵致果講學則崇正黜邪蓋發揚蹈厲惟敬勝者能之其驕且惰者反是傳稱太公封國于齊感逆旅主人之言夜衣而行黎明至國其一生靡不以敬相終始此所以與孔子而並血食于萬世者也天

津明時爲衛垣勦戚將弁之所居余懼夫津之士漸染齷齪之習而不知太公之所以爲教故擗敬勝之旨以告之俾知所勗焉是役也塲工于乾隆十七年四月庚子竣于七月庚午計費白金九百五十有奇云

以發場蹈厲歸到主敬工夫直是看得義理透徹使洛闈

諸儒見之當亦首肯

惠定宇

稚雨堂文遺集

卷三

記

七

問津書院碑記

世宗皇帝御宇飭天下省會各立書院蓋緣教授等官部選拘于年例不必盡賢且文又弟子員散處無由朝夕相見一端其德行而課其材藝乃于學宮庠校之外別建一肄業之所禮聘名儒掌其教授庠士之尤秀者資以膏火之費使朝夕與居以授經而講藝焉其爲興德育才計至深遠也嗣是郡縣有司承

上意旨通都大邑往往設有書院士習蒸蒸進而益上天津以百川朝宗之地而爲京師左輔感化最先翰軒采風者之所首及顧闕焉未興心竊病之前太平府通判查君爲義告

雅雨夢遺集

卷三

六

余曰家有廢宅在運署之西南隅其地高阜而面陽形家以爲利建學壺筮之筮從乃白之總督方公觀承署鹽院高公恆均報可爰庀材鳩工位其中爲講堂堂三間前爲門後爲山長書室而環之以學舍凡六十有四間計費白金二千四百有奇經始于乾隆十六年辛未八月落成于十七年壬申二月適吉公慶來視鹽政爲延名師立教條入學鼓篋宵雅肄三賓講旣成容止有秩翼日諸生踵門謁請所以名是書院者爰進而詔之曰若濱海亦知夫海乎孔子之道猶海也學者斬至乎道而止今之制義其津筏也學者因文見道譬如汎海者正趨鼓楫候勁風揭百尺維長綃挂帆席然後望

濤遠決乘躋絕往以徐臻乎員嶠方壺蓬島之勝若自匿而
返與終身于斷港絕潢而不能達者皆不得其津者也余姑
導使問焉毋致眩惑于沙汭之雲錦遺迂于暫曉之蜩像則
庶乎其不迷于所往矣諸生再拜曰有是哉夫子之詔我也
敢不顧名思義以勉承教思于是伐石紀言述事之緣起而
名之以問津云

末段大致從揚子經營四瀆終歸大海否則淪漢入沔意

聚而文更曲折有味

惠冠宇

雅雨堂文適集

卷三

記

十九

重修虎邱致爽閣記

昔昌黎不好佛而亦屢與浮屠遊大顛文暢往往見其文集
意當日琳宮紺宇昌黎亦嘗親辱焉夫浮屠之有居豈徒以
聚其人而崇其教亦以其棄家室捐塵埃其居面山臨水足
以來遠籟而生清風予以爲四方遊士之聚會學士大夫之
棲止信宿資吟咏而畱歌思由此觀之浮屠又曷可少哉余
以事三至吳郡皆寓于虎邱之石觀音廟廟有致爽閣閣已
改而軒最幽勝余顧而樂焉柳子厚有云君子必有游息之
物高明之具顧當僑寓之地卽次倥偬其得以舒志寧神也
爲難吳門爲省會要區士大夫來者車轂接沓虎邱距城闔
不遠卽香火之緣而爲宴息之地登臨咏歌解滯息慮高明
游息之道無煩增飾亭館而得之豈非尤難得而可貴者歟
軒久又圯寺僧湘洲以告余愧羞澀無以應今年轉運淮南
僧復來余捐俸錢爲倡而郡紳士汪公應庚相與欣助成之
而加修築還其舊觀僧曰願有記夫浮屠之力能奔走海內
顧往往以福田利益爲說儒者不道也余獨以其有資于士
大夫之歌咏棲息者而記其緣起以詔後之人庶幾有同此
志者歷千百年可以永承勿替

身分立得高是儒者爲方外人文字

顧震滄

閒情逸致似歐公小文字

張殿傳

雅雨堂遺集

卷三

記

三

灤州喜雨亭記

予以六月九日入灤灤之旱久矣齋宿之夕甘霖大沛時旱不獨灤雨亦不徧于灤而灤人曰此我公隨車雨也古之適逢其會而倖成其名者毋乃類是然不可以無喜也葺舊堂而顏之則志喜爲宜

灤州喜雨亭記

卷三

記

三

灤州榆蔭堂記

榆性堅直宜梁棟密葉繁陰其生灤暑老不知年月圍圓十尺神采奕奕惜植堂後有違材之嘆焉然其南柯茂密足覆戶牖而納薰風榆雖不盡其用而蔭則長矣

重建竹西亭記

唐杜牧之詩云誰知竹西路歌吹是揚州建亭者之以竹西
名蓋出於此宋歐陽文忠公有竹西亭詩蘇文忠公詩有過
廣陵擇老相送竹西亭下亭之重于揚州舊矣乾隆丙辰余
爲都轉鹽運使駐此與同年程太史夢星大會名士于平山
堂登蜀岡眺望問所謂竹西亭者太史爲指點于荒烟蔓草
間而告余曰亭不知建于何時何人宋紹興間向子固嘗易
其名爲歌吹燬于火隆興間郡守周淙修之復舊名歲久而
圯明神宗時縣令張寧移建于北岸之阜角林側未幾亦圯
今東望舊刹卽古禪智寺考古今詩話亭蓋在其前云余於
時慨然有修復之志不數月輒以罪去更歷邊塞閱十有八
年歲癸酉復轉運茲土木史已與諸同人復亭之舊爲具尊
壘召落成焉至則泉流竹茂新亭翼然前闢埤百尺以做崑
臺後構堂三楹以做葑圃登斯亭也遙睇南徐北固諸山如
拱如揖風帆沙鳥若卽几席漁響梵音颯颯入耳余顧而樂
之太史舉觴屬余爲記余惟人世間一切盛衰隆替如水容
山態朝夕殊形其大者莫不然何有于一亭之興廢哉雖然
地以人傳而非其地之盛則亦不足以傳其人茲地因樊川
之句以爲亭因歐蘇之留連于是亭而益重于世彼易其名
與遷其址者陋也周程兩君子後先輝映其賢乎哉余抱修

亭之願以去落成而來亭不因予成而余之來適與亭會余
之文不足重斯亭而亭若有待焉因不辭而爲之記
是先生竹西亭記故佳

雅雨堂文遺集

卷三

記

三

儀徵縣都會橋子鹽馬頭碑記

國家設立鹽政所以經理區畫不憚至周且悉者凡爲便商而利民也淮南綱鹽歲運百三十餘萬引自通泰以抵揚之儀徵縣是爲引鹽過掣之所鹽至則就垣解細改子包以小船載至江口然後盛以巨艘而入于大江九龍都會一橋之間則小船之總匯也其地舊爲子鹽馬頭橋之西趾歲久墮圯左近居民因搆屋其間致船不能泊冬春水涸子鹽必陸運長挑直抵黃泥灘而後得上小船而達于江不獨徑路回遠運價踊貴而所由九龍都會兩橋爲東西各垣挑鹽交會之處人烟駁闐市販雲集街衢隘闕奸人乘机擄取時零以致鹽多散失運商甚不便乾隆十一年淮南監掣同知請復建築子鹽馬頭屢經察勘而事不果行蓋欲廓清舊制必先毀敗民居是以難之余因謀之總商程可正等建蠲買之議請委監掣同知楊重英儀徵令戴秉珙按戶覈實被毀之屋按間予直視時籌有增無減計值白金三千八百餘兩又予以從費所毀屋材仍聽徙者自移去民大悅服乃委儀所大使程堂鳩工經始乾隆二十三年三月二十八日卽于是年九月初二日告成工巨三十丈廣二丈四尺糜白金四千八百六十四兩有奇旣竣事諸僚吏請志頌末于石用示永久予惟商之與民本屬一體但求有便于商而弗顧小民之怨

咨或求苟悅于民而因循以隳舊制二者均未允當是役也
民忘遷徙之勞商復轉運之舊予以仰體我
皇上卹商愛民之隱庶幾兩無憾乎其董工捐金各官商並
列名于碑之陰是爲記

雅雨堂文遺集

卷三

記

三

重修德州奎星樓碑記

方技有堪輿家其于方位形勢趨避向背鑿鑿如指諸掌儒者多疑其妄然而詩書所載若公劉之陟嶽降原周公之卜漚宅洛衛文之望楚景山皆相宅之事經文具在不可誣也吾州南隣泰岱近聖人之居儒服而絃誦有鄒魯風明萬歷丙申黃岡劉公來牧是邦始勅奎星樓于學宮之巽維越明年州人賦鹿鳴者四而解首在焉咸以爲斯樓之祥臨邑邢太僕爲文記其事

國朝康熙中有好事者于城南建十方院佛閣地勢高出樓上時李翰林棟家居謂其以客奪主陰掩陽于法不利謀于

雅雨堂遺集

卷三

三

衆增斯樓而高之使不爲浮屠所壓形勢復振人文亦日起迄今又數十年矣樓漸傾圯而科第亦漸替原阜城令賴君定瑤家江右習形家言以需次薄遊茲土顧瞻斯樓徘徊久之曰是宜益崇之使壯麗于是邦之人士方議鳩工庀材而觀察使汪公聞斯舉立捐俸三百金授倉大使某監生杜某董其役經始于乾隆十六年辛未之秋落成于壬申二月其增高于舊以尺計者凡三樓旣成榱飛而鵬鸞翔拱合而虹蜺動景耀丹碧氣凌雲霞偉乎一州之壯觀而彰文明之符矣余旣美汪公之德又喜斯樓之創始增修前乎此者成效業章章可據則繼今以往必有蟬聯茅彙承麟炳于無窮者

余且採券以俟之汪公名漢倬歙縣人駐州城多善政造土
愛民孳孳若飢渴之于飲食觀其細而知其大則斯樓之葺
不可以無傳也乃爲之記

雅雨堂遺集

卷三

記

三

月駕軒跋

軒踞虎邱千人坐上其地舊爲晉司徒王珣司空王珉別業捨爲寺軒名月駕不知何人題而其名故佳地旣高聳亭臺巖樹委宛繡錯月光澄浸四望無滓軒中人若可驟駕而遊者乾隆丙辰予守潁州因公事求此寺僧乞書遂仍舊額而併識其緣起如右

集中諸短文俱有意致

顧震滄

諸短章皆有逸致亦不可廢。寥寥數筆要非俗手所能措意

張殿傳

雅雨堂文遺集

卷三

跋

虞山房跋

天

虎邱伽藍殿有小樓穴其北爲牖與海虞山相直因名然樓之勝平疇遠峯參差烟樹靡不入覩不獨在望虞也舊有趙凡夫先生題額失之數十年寺額遂缺乾隆丙辰余以公事來蘇憩僧舍重先生遺墨而茲樓之不可以無識也因勉從寺僧之請而書之

永平府平山堂跋

按志府治在平山之上而堂位乎中故以名吾堂與歐陽文忠之平山各有取爾不相襲也然振觸舊遊感慨係之矣

雅雨堂遺集

卷三

跋

三九

雅雨堂文集卷四

德州盧見曾抱孫甫著

同里後學金在恆立方編次
曾孫樞蘭言校梓

上宰相書

蓋聞昔人之進頌也曰入則周公召公出則方叔召虎此非徒出入榮遇之謂也人臣而履方叔召虎之任熟察乎生民之利病與屬吏之賢否其黜陟進退生殺必無不大服乎斯人之意然後入而攜持天下之平佐

天子賞善罰惡進賢退不肖蓋一方之利病即天下之利病一方之賢否即天下之賢否此惟久於封疆之任者能深悉其故而神明其用而見會今日乃得以此言進於閣下伏惟

雅雨堂遺集

卷四

書

一

閣下正位揆席為百寮儀表然其始嘗承宣江南繼而總制雲貴剔歷巖疆者十有餘年

聖主之所以責效於下與閣下之所以信孚於上者人人皆知其能察吏以安民而恨見會之未得效能於左右也見會

自成進士由江南蒙城縣知縣八遷而至運使絕非有邀譽干進不過盡其區區之職業無所違避所事封疆大臣往往察其行能加之委任然亦堅守其道不變頃者命與時乖卒構此禍見會內自循省夫固非僥倖於前而冀改悔於後也

待未逢封疆大臣如閣下其人為鑒別其能否耳見會嘗謂封疆之任察吏而已察吏之要在觀其論列與覈其政事昔

人謂敷奏以言明試以功者此也如採道路之風聞與流俗之毀譽則天下固有効忠於君父而見嫉於同寮求當乎民情而召怨於胥吏且又有賢者譽而不賢者毀與始而毀終而譽者自非操之以獨見而要之以持久不可謂知人之明今見會之爲運使也七月餘非能信其民之日也制府初任封疆莅事甫三月未必盡知屬吏之賢否也而鹽權兩任案牒紛紜當局勾稽猶未易晰視州縣之考成相去萬萬也則今日制府之所以罪見會者不過誤聽讒譖之浮言與奸商蠹胥之不便者耳人情徇利必滅義能見目前而多不顧事後運使有大不堪者三腥羶之地人思染指不得則召怨鹽

雅重宴遺集

卷四

二

價之低昂奸商希緩運以專利欲便民則商怨陋規之相沿蠹吏視鹽權爲金穴欲便商則吏怨商與民之便利在無形而造謗則必有迹愚民無知從而附和一吠百喙恩怨是非罔不倒置宣尼之聖也而有麁裘之謗子產之智也而有執殺之刺况見會之碌碌無足比數者乎然原奏已有力圖討好之說夫商人習於驕縱初以整飭爲煩苦其後乃絕無苛刻也則貼然服此亦未始非昔人爲政先諉而後頌之明徵乃於前之日則曰作威後之日則曰干譽率是以相繩吏將何所措手足哉見會昔治六安豪戶多佔水塘爲田歷訟不決是時大典勸墾督勘檄考年見會獨抗議復塘謗者四起

生葉潤挺身控之撫憲今大學士錢塘徐公立論訊覈其矜
卒無異議而塘爲至今賴知江寧府也富室某構訟訛言見

會受賕八百兩今大司空劍水趙公總制兩江密偵得實諉

不行向使制府在曩日則復塘之議必科以違制之條富室

之謗必坐以婪贓之律見會早畢命於獄吏之手矣雖然見

會今日亦知制府之非有意欲殺之也始制府蒞任見會時

進見獎勵有加見會亦自任不疑遇是非輒剖晰傾心吐膽

以爲得大憲知己未幾而媒孽隨其後令制府少加察取訪

聞之款面詰卽謹訶容見會徐徐對自必劃然心開或至反

怒言者皆未可知若其旣登白簡則所謂輕聽於前自難反

雅甫夢遺集 卷四 書 三

汗於後見會知制府今日雖明知見會之寃必不能更上寃

免之疏承問各官雖心知制府知見會之寃不得不且爲羅

織以逢迎制府當日之意所貴大人君子不動聲色轉之雲

霄之上使

聖明之世大吏無失入之愆州縣無殺人媚人之事則此舉

之大有造於吏治不淺也閱觀史冊所載自古忠臣烈士著

有聲績而不容於世者何限然百世之後是非昭晰公論難

誣今幸逢

聖天子賢宰相明良會和大道如日月中天萬物熙熙無一

物不得其所而見會官居三品會受

兩朝拔擢之遇粗有能名於大江南北而獨蒙不白之咎橫
被曖昧之謗幽憂鬱抑死不瞑目此仁人君子以天下爲任
者之所宜動心者也古稱爵祿可辭白刃可蹈而區區之名
節必不可辱見會被索一十七款共誣贓銀一千六十兩皆
索錯乖舛悠謬不根試思見會任兼鹽關如其甘爲不肖盈
萬累千咄嗟可得而乃零收書儀茶果刻減役匠工食款內
從無鹽商餽送一錢則見會之徑徑自守亦可知已今制府
雖移節滇南而冤獄已具倘終不白則見會長負累於

聖世而後來鹽權兩務以見會爲戒恐與激濁揚清之意適
相背謬伏惟閣下爲

雅雨堂文遺集

卷四

書

四

朝廷愛惜人才爲斯世扶持公道而又久任封疆大吏熟知
察吏甄別賢否之法祈究其事之始終一言昭雪庶覆盆得
白公論得伸其有關於

聖明之治者不獨見會一人生死銜戴已也

反覆痛快淋漓悲慨得昌黎之神顧震滄

滿腹冤抑憤懣振筆淋漓不覺傾寫至盡要是理直氣壯
不止筆力辨達足以伸其所見也意味甚似歸太僕上

公書
榆村

尚書大序辨

孫仲愚先生六經諸篇新義頗多惟尚書大序論一條斥百篇之序爲僞其論未允崑山顧寧人作日知錄獨采之今載其說仲愚据左傳定四年祝佗告長宏曰命以伯禽命以唐告謂尚書當有伯禽之命唐誥二篇而書序不列于百篇之內疎漏顯然寧人是其說竊謂不然五帝三王之書豈止百篇孔子刪書亦用春秋一書不再書之例洛誥之命公後鄭氏孔氏皆以爲封伯禽之事則伯禽之命可以不錄也唐叔有歸禾則唐誥可以不錄也若據傳記所載逸書皆當爲孔子所錄則逸周書芮良父祭公諸篇並人君之大寶箴也何嘗不可錄祭公一篇緇衣稱祭公之願命傳經者誤作葉公緇衣載祭公猶左傳載伯禽唐誥率皆謂書序之疎漏可乎書序司馬遷班固皆謂孔子所作愚意卽非孔子亦當如林少穎所云歷代史官轉相授受而非後人之僞造也仲愚之論恐開學者不信古不好古之漸故辨之

徵選山左詩啟

嘗觀詩三百篇雅頌之外風詩十五是爲列國之風故季札觀樂能別其音詩之繫於地也尙矣古者有采詩之官以觀風俗而考得失故勸懲之義明後代無是職也學士大夫作者各殊美斯愛斯傳爾故纂述之道盛昔之著書者若汝南先賢襄陽耆舊則傳其地之人舟陽宜陽泉山秀句諸集則傳其地之詩至杜清碧之谷音元遺山之中州集傲河嶽英靈之例旣傳其詩又傳其人今諸書具存其傳世久遠有非專集所及者何哉專集繁故多逸失選本約易於行遠也吾鄉齊魯舊域名嶽之所蟠結巨流之所鍾匯泱泱大風於

雅雨堂遺集

卷四

六

古有聞刪詩之後風雅之道存焉

國初百餘年來哲匠宗工後先相望或體被質文或筆妙天下或清新俊逸兼庾鮑之長或傑肆排奭闖杜韓之室或深通二氏獨步一時或託跡窮山古人爲伍或神解在漢魏之間風格邁儲王以上此皆名流所推許以爲傳世無疑者况有詣臻最上籠蓋百家囊括千載爲一代風雅之主者有霸才獨擅自闢門戶而異曲同工者淵源之廣漸被四方

本朝稱詩之士必以山左爲最盛良有以夫往滄洋山人嘗欲輯劉節之丁野雀等數十家爲集傳之而未果此數十家之外與數十年以來作而未傳傳而未廣者又多矣甚者載

軻窮老僻居絕遠雖文采殊尤而不能自達又或隻詞片咏
剽簡殘篇往往膾炙人口而歷久將湮及今之時不爲之蒐
羅奮萃以永其傳後來者將惜之曾不敏有志於斯竊欲輯
吾鄉之詩自

國初迄今畧加論次都爲一集人繫之以小傳以俟夫纂述
之君子自惟侷陋懼難獨勝夫以吾鄉文獻足徵而繼起多
賢誠各舉夫作而未傳傳而未廣與凡所見聞一聯一絕可
以信今而傳後者俾得彙輯授梓以傳之不朽且以傳其人
焉固有心於斯道者之所同願也嗟乎川嶽靈秀發爲文章
其始也孕毓融結於穹巖邃谷之間旣而或登廊廟或淪草

雅雨堂遺集

卷四

七

莽或雜陳都市或終闕岩穴人世耳目所及旣相與寶貴之
矣若搜厥秘隱擢其精華而殺列之其爲人世所寶貴當復
何如哉乾隆癸酉春謹啟

徵選山左明詩啟

禹貢二州竟青並肇輿圖六郡府衛兼資山辨陰陽望咸尊
夫秦岱詩分齊魯人共仰夫經師章唱首於四言匡解頤於
五際衛宏作序四始攸明鄭氏成箋六詩彌暢仲宣公幹建
安之輔歸高張載左思大康之英不墜明遠總四家之雋延
年跨二謝之才霧文紅粧最傾沈范阿玉臺豔體獨擅齊梁
徐陵詩卷常留羨竹溪之偕隱父文牋屬和美漢上之題襟
敗成博似叔明著及蟲魚之疏邢昺直如守道傳來慶歷之詩
石介轉注諧聲武子之書稱備楊恒南驢北豸思容之乘堪稽于
凡此先民不待表章而自顯緬維勝國尚須搜采以成編蓋

雅雨堂遺集

卷四

八

溯風雅于吾鄉隸源流於詩品始興宏正有四傑之華泉踵
武嘉隆惟七子之白雪萬歷尊孝與為巨擘天崇推季木為
先河故述龔邱許單父秦之賢則魯國儒生不少談歷
下明湖之勝則濟南名士為多聊攝以東豈乏布衣而臨牛
耳謝茂秦昆吾之地不無下吏而舉旄頭李伯承其後或繼海岱
而會耆英馮或應東吳而倡大社趙伯此皆藝林之盛
事鄉曲之美談也若夫兩城石川宛有初唐之格二劉劉仲
純東愛澤蘇九居然開寶之遺文若溫醇可希風乎大歷于
思仁清俊堪效法乎西崑許龍而伯謙之簡遠蕭疎楊尚無
垢之春容宏麗于女又為性靈之獨運聲律之首庸者也至

子父子則仲學

邊習

子冲澹

咸

後先濟美弟兄則浮來

公

無澤于

言

長穉齊名一門則系水

新城

鄆城

僕

羣公並顯數世則泊源

臨附斟灌

壽

七葉揚休綜昔羣賢驟難更僕從前司寇會及盟

鷗五十有四人之菁華白頭有志二百八十年之麗藻青汗

無期海岳數篇未及後來之秀

朱中立有海岳靈秀集

北山一集止詳

先達之文

李北山有齊魯集

曾也巴羅

昭代之英幸而卒業竊迹有明之什欲遂前功第胥鈔不滿

于兩牛管窺實慙乎半豹欲卜春明之宅用希將伯之飲或

有先世舊書民間善本來禽之館定有遺編萬卷之堂豈無

佚笈名章迴旬片紙殘行思君流水之詩全篇必錄月倚華

雅雨堂文遺集

卷四

啟

九

山之詠十字堪珍務望通書不嫌求假顏黃門之垂訓補治

惟勤江濟陽之披文整齊無損勒成一代佇惠百城

題高青疇印譜

高君青疇少可寇且園先生之文孫也先生一門鼎鉉立朝
有本末政事文章卓然大雅以餘事作指頭畫乃復冠絕一
時士大夫之論先生者不能深探本原而爭奉先生之畫以
爲必傳于後非知先生者也今青疇繼其家聲續學工文詞

蘊蓄日富間嘗露其鋒穎肆力

一作游藝

于篆文鍊筆之間而年

有所譜是亦青疇之餘事而已然其結篆古老運筆瘦勁神
采奕奕風韻嫣然方寸累黍名流皆拱璧珍之吾烏知後之
重青疇印譜者不且與且園先生之指頭畫並傳不朽乎青
疇有鑒于此毋亦勉思紹衣之大而不沾沾于一藝之成其

雅雨堂文集

卷四

詞

十

能則他日所譜必有更進于是者尊甫薑田先生官二千石
未竟厥施而廢以詩鳴當世余將以此言質之甲戌春日題
于揚州之官梅亭

祭撫軍邵公文

嗚呼知已之情死生聚散之感遭罹讒構同心憂患之誼得

其一可以沒世而猶痛矧見會與公兼斯三者而又負罪嬰

豎幽憂拘繫存不能視其疾歿不能視其含奠不能撫其棺

吞聲忍淚竟神飛去斯有生之最酷而荼毒之極哀也乎公

之子會三歲以長辛丑之歲同舉南宮又同出于海虞石首

兩夫子之門此時年少慷慨相期古人是律不遂時趨公之

肺腑會實知之會之慙直公謂不疑握手出誓生死不渝洎

公登翰苑而會筮仕蜀徼棧道三峽山阻水險往來萬里鵠

啼猿叫旋遭大故泣血摧肝公手書來唁情詞悽惻展讀再

雅雨堂文集

卷四

祭文

十一

四涕淚汎瀾此時形影不相接而兩心耿耿相照如一日也

會釋縲服從事淮南北之間粗亦有聞爲當道所薦舉而公

爲

天子侍從疊荷榮寵衡文大江左右清濁殊流趨舍異路而

會時攝守金陵竣事之餘間一接見形容非昔意氣如故並

說生平各懷用世秉燭深夜語不及私嗣後

天子登極大簡羣僚整飭庶務公膺

持簡巡撫江南而會移守潁州荷蒙陶甄薦擢饒九南道又

薦轉運淮南兼權稅務想公之意豈有他故直以爲國得人

古人內舉不避况于同年懸隔千里豈因嫌疑反有遺棄會

之感激亦非爲私思竭區區之駑鈍不負國家庶不負知已窮思畢精革除弊事甦息商困流通鹽筴而公亦秉道嫉邪賞善罰惡自以上有

明天子下有斯人之直道正色直詞無愧天地庶幾古人得志遇時千載難逢不可失之嘉會也無何積毀銷骨羣飛刺天市虎成於三人投杼起于屢至公時危疑慄慄懷若蹈鋒刃未幾因緣借端欲以會爲罪連累及公遂望吏議公時已抱病聞之佯條不食猶大聲疾呼明其非辜稠人廣座無所畏避

廟堂寬仁不卽加誅

推雨堂遺集

卷四

祭文

十一

命公質審公外怵浮言內閱讒構憤悶歔血遂殞厥命是公之死不死於二豎之交侵而死于多口之疊至死於多口之疊至而實死於會之負累嗚呼天平會負國家以重負知已每一念及百身莫贖悠悠蒼天豈知此痛公卒之前五十日而會被罪去公治不五百里有司以罪人不得私相候問咫尺帶水不得相見屬聞公疾私心震驚雖子弟家人無由得至寢門一訊屬纊遺言死生永訣負此大恨嗚呼會生不如死猶幸得以未死之年獲蒙昭雪使公知人之明大白于天下而公之冤魄亦含笑于九泉會雖相見地下無所復恨嗚呼公其知之耶其不知也耶

蒼蒼茫茫拉拉雜雜若用韻若不用韻直是一片血淚寫
成昌黎集中有數文字

顧震滄

憤懣填胸其中具有一段官屬株連欲言難盡之痛故不
覺激昂奮迅向已歿之知已傾寫肝膈淋漓至盡觀此及
上執政書真覺宦海嶮巇令人不寒而慄

張殿傳

雅雨堂遺集

卷四

祭文

三

書貞靖先生傳後

余讀陳公鵬年爲金陵王貞靖先生易名之謚議及許公汝霖表于其墓之文知先生爲海內之逸民而與先生生同時居同里出處同道又有高蘿栖先生兩先生生當前明末造慨然有志當世之務而不及見用于時萬革後年皆壯盛以山澤之儒終其身學聚問辨孳孳矻矻著書數千萬言夫潛龍之見在田雖勿用而時舍然不能與壤泉之蛻同沒世而無稱也亦明矣而傳之其人表章微文以發潛德之幽光豈非後死者之責與雍正辛亥江南奉

詔開志局于會城余始備官知蒙城縣外吏也例不與聞纂

雅惠堂遺集

卷四

書後

十四

修之事乙卯秋遷知江寧府得叅末議矣乃未逾月而調任潁州府以去又二年轉運淮南通志頒及嘗受而卒讀之竊于其中有未盡解者致康熙舊志本以六月成書採輯之絀漏原序固不諱言之矣我

朝百年以來江南二十四府州人物之盛不幸遺于舊志及郡縣志又不得見于官司之印册者何限旁搜不聞而概從姑闕云俟增補不知將誰俟耶此不解者一隱逸列傳金陵之增入者凡三人而無高蘿栖先生此不解者二以貞靖入隱逸卓乎有見矣乃其爲先生立傳及與先生同傳二人皆寥寥數言無以甚異于衆人此不解者三以余所聞貞靖

先生著書曰歷代帝王紀要十卷歷代名臣紀要二十卷江防考三卷海防考六卷漕運考二卷黃河古今通志十一卷九邊圖說五卷鹽鐵志二十卷兵屯志十六卷廣萬姓通二十四卷傳習錄辨八卷南北水利蠡海錄十二卷方輿圖考二十卷皆關經世之大務而本傳第撮舉之曰有河漕水利鹽鐵諸考及其志河漕水利鹽鐵也又不一載先生之緒論其分經史子集一存諸書之目旁及于琴棋醫卜而先生之書無一錄者此又余之所甚不解也罷官後僑寓揚州交先生之孫元蘅得盡讀先生之遺書然後知志館之秉筆數易其人矣始之秉筆者傳先生甚詳也後起者取而刪削之始之秉筆者爲先生立傳更系以論表先生于藝文甚詳也後起者又盡取藝文而刪削之始之起例以刪藝文者刪其題咏之作而已若有關地方利弊及考訂古今興廢則將附見于各門後起者不暇深考而病其卷帙之繁從其所刪不從其所附不獨互見之義隱而文章亡矣嗚呼可勝惜哉蘿栖先生無後嗣遺書未經蒐羅無由進于志館遂不得與于二賢之列余故因讀貞靖先生傳並舉而書之以告當世之君子有立言之責者蘿栖先生諱阜字康生所著書盡散佚惟五經釋陽明語錄釋學者宗之多錄其副本以藏于家云

雅雨堂遺集

卷四

書後

五

叙述井井一篇之中三致意焉俯仰感喟殊有廬陵氣息
張殿傳

雅雨堂文遺集

卷四

書後

六

書田香城先生自作墓誌銘後

吾州田香城先生遊金陵歸著南遊草百餘篇所與倡和者數十人先生方飲而食壽而康忽自作墓誌銘以示予予讀而嘆曰予年三十有八少于先生知予生之年先生兄山薑而師漁洋弱冠遊京師與一時名公鉅卿爭騷壇據吟席其所爲詩甫脫稿已吟徧長安矣此我生以前都人士風會極盛之日先生幸逢其時予生也晚不獲執鞭弭以與先生從事而一時之能知先生者今則俱往矣可勝惜哉余年稍稍長畧通文字而先生許之鄉會兩試先生皆決其售于未揭曉之前初學爲詩辨聲律先生曰孺子可教出其所藏書選

雅雨堂遺集

卷四

書後

七

本若干卷授予抄錄並以其所得子漁洋山薑兩先生者口授而筆示焉自辛卯以來凡十餘年日侍先生之側先生固深愛予予亦因以知先生然予知先生不若先生之自知也先生嘗以述懷詩自題其像贊曰介弟尊兼公子貴崢嶸已過老堪哀將來卽作傳奇料不是高巾狎密材又曰小佳人問七十年漫無長技與人傳便將吟咏稱能事也只風雲月露篇嗚呼此先生之所以自知也先生題像贊時年七十有一所制若棺若槨若遺囑圖卷若墓圖若殉葬具時或同予一展玩以爲笑樂今年七十有六又生誌其墓而銘之誌曰人非無墓誌之難而失其本然之患人莫不有一死死則已

矣而必以誌誌又不必盡如其人而子若孫之述其親者又
往往以譽之過甚而忘其本然世第執其所譽以爲信遂使
生平磊落不可磨滅之精神盡湮沒于人人可聖可賢古今
無所識別之中是人以無誌而存有志而亡也因爲之銘曰
生若附贅死若決瘤言及風雅重如山邱嗚呼世有能讀先
生之詩與誌若銘者雖百世後猶將想見其人而况生同時
居同里日侍先生之側如予者而終無以言先生之彷彿乎
哉爰承先生之命而書之

後一段未經人道恰是此題分外奇觀

顧震滄

雅雨堂文遺集

卷四

書後

六

朱戶部死孝論

奉直大夫戶部江南清吏司主事加一級朱公諱敦棣字鄒友號芑村浙江桐鄉縣人其遷浙之始祖于文公爲曾孫世守其禮教以至于今公封奉直公江之子敏學篤行蚤以孝聞年二十六成進士試戶部四川司額外主事調繁試雲南司稱職實授江南司主事官于本部者凡七年乾隆丁巳京察異等將進用而封公卒次年六月扶柩出都門自寓至張家灣水次六十里徒跣奔號汗血迸流左右以騎進却之未及水次十里而仆抵舟三日而死其從祖蠡爲作傳聞者哀之稱公死孝盧子曰公之孝卓矣而以死爲公孝則非也論公之孝在于內盡其哀外盡其禮而已禮講于平日而哀發于臨時自然而合者天性也毅然而不可奪者尊先訓以講學之功也當其攀柩一號搶地呼天望望然如有從而弗反之時雖困且憊焉不必于仆有仆之理仆焉不必于死有死之理公必有所不暇計豈惟不暇計仆與死而已亦不知其爲困且憊而不幸而仆仆焉又不幸無良醫之調治以死是則數之遼然于公之孝何有哉禮孝子之喪其親也三日水漿不入口食朝夕米一溢居倚廬寢苦枕塊凡所以戕瘠其生者無不至而又爲之訓曰毀不滅性使毀必患乎滅性聖人將不教人以毀教人以毀而曰不滅性明乎毀之不至于

滅性也苟不至于滅性吾知有毀而已矣卽有不幸而滅性者而非出于毀之所必至吾知有毀而已矣禮教之不明而愛身者多尊邂逅之死于毀者以爲孝吾恐援滅性之文以爲戒者之將至于不肯毀非聖人教天下後世以禮之意也昔者子夏喪明檀弓以其哭子也而訊之然左邱明不哭子而亦喪明世之喪明者又不獨邱明與子夏也唐崔衍護父喪跣足行千里哀感路人史書美之而竟不死死不死固無論發于哀中乎禮斯爲孝而已矣王安石之遭艱也裴令弔之曰使一痛遂能傷人潸沖將不免滅性之訊善夫誰謂晉人之清談爲不知道也哉

雅雨堂遺集

卷四

論

三

韓之深厚柳之鑿刻兼而有之而議論復極正嘗此有功名教于劫不毀之文

顧震滄

識議透頂而文之辨達亦有坡公作論手段

張殿傳

孟增廣傳

增廣姓孟諱宗素字太質世居亳州前明啟禎朝諸生以學優補增廣生顧屢試未得舉用當是時溫楊用事于內李自成張獻忠倡亂于外中原鼎沸萬里塗炭而亳郡爲河淮門戶地當四衝流賊時爲出沒增廣乃率其家屬避亂于郡西渦水之陰賊之攻城也被亦屠降亦屠丁壯則剖腹以飼馬嬰兒則貫胸以爲戲至虜婦女互相淫污後復截其踵以佐酒及援時則載所殺者之手足耳目口鼻等以啓行水則舟接陸則軸聯是爲聲勢故賊未至官民先自風靡未幾又攻毫屠之留其婦女之少壯者赤其體以前驅呼號載路遂軍

雅雨宴遺集

卷四

傳

三

于河之南肆其兇淫而不去增廣聞之忿甚謂鄉人曰賊淫惡如此又留駐未行意不可測與其賊來殺我何如我先殺賊且乘其未備可破也鄉人咸切齒願從乃集有數百人卽東馳渡河增廣率衆突入喊聲奮擊靡不一以當百是時賊于營中方人人擁婦銜孟安心縱樂一時不知兵從何來心膽俱喪走死不暇追殺數里遂奪所虜之婦以還明之亡也撫臣貪于招撫守將憚于追襲養成癩毒致成慘烈是以流賊之橫行無復顧忌日可緩轡徐驅夜可解甲而卧是役也雖成于忠義之氣亦爲賊之所不及料所謂出其不意以少勝衆者此也夫闖賊非有項羽季布之能兵李密徐勣之攻

畧也又非有巢穴之足據膏腴之是割也不過剽竊賊徒烏合之頑惡耳使有增廣之忠義而又加以紀律訓練之兵不過三千吾知其拉朽摧枯寧瀕時日耶觀之增廣則又彰明較著者矣增廣自敗賊旋西鄙乃令各虜婦奔避他所後賊來益衆終以寡弱不敵乃之懷遠又更江寧及

國朝定鼎賊咸服其辜至順治三年春始歸里康熙三十二年當事訪耆德之堪膺鄉飲者都人咸推增廣以副

聖典享年九十有三乃卒令臺學生員孟衍聖孟衍泗乃其曾孫也

雅雨堂遺集

卷四

傳

三

王吏目傳

王吏目者明崇正末年亳州之吏目也名諱籍貫俱不可考緣時值亂亡亳兩遭焚殺文獻俱盡所餘二三野人但有知王四爺之稱嘗曰王四爺最愛我亳民我鄉人今日尙得生者皆其誘賊殺賊以存活我鄉人者也州明經張純夫謂余曰吾少時嘗聞鄉父老談及王吏目殺賊事崇正甲申之變吳三桂請

本朝兵討賊賊奔旋西亳不爲備復遭狼籍拆城之日知州何變死之吏目以在外不與難當是時本鄉土賊房文字高見袁聶三虎等乘機入城恣掠荼毒比流賊倍甚及吏目旋日見城破官死已屬無及而土賊之勢方獗乃喟然曰吾縱不能退流賊以全城又安忍見土賊之橫害乃爾耶顧孑然一身莫可誰何乃佯與賊爲謀畫吏目平日信義服人羣賊倚重之未幾賊自相攜貳遂起爭奪吏目又佯爲和解陰使攻殺不弔月而房文字等俱斃盡無一存者此所謂以賊誅賊不煩一兵而地方寧堵者也

本朝定鼎時吏目不知所終或以爲殉難云遺跡苦無考據唯州城隍廟中有一碑記載王四爺名目亦不詳其名貫其碑所載乃吏目爲道人修廟并出資贖田增置田產之事里人感其事而誌之夫以吳公之治行第一漢史尙且失名至

今嘆想之下猶有吳公在也王吏目爲民除暴遺惠于毫者甚鉅若不表而誌之千百載後又安知有殊績之王公也哉

雅雨堂遺集

卷四

傳

三

苑亮傳

苑亮，亳人。韓斌之僕。斌以武進士任福建興化守備。康熙甲寅春，耿逆叛，督斌授以偽副戎職，顧思歸。

本朝不爲用，命逆愛其勇，多方籠絡，復流言斌家屬以降，被戮絕其歸念。由是斌頗爲逆用力。浙督李公患之，欲招以諭。札必斌家人乃可往，因檄斌子世晉至衢州。斌母曰：「此行非苑亮從，不可。」亮偕數僕隨世晉至浙。制府見晉幼，未練事，乃詢諸僕曰：「誰能至閩寄書致爾主歸者？」亮慨然身任。制府乃授之札，示以方畧，使之全主。亦以自全。亮唯唯受命。平陽王鎮及世晉皆屬書去。世晉拜亮亦拜，相向號哭。若將永訣者。

雅雨堂遺集

卷四 傳

五

亮縫書于履，毅然獨行至仙霞嶺，爲邏者所獲，執以見偽帥馬九玉。亮曰：「本韓奴主家屬，因降正法，逸以報主逆，恐有詐，令檢其身，無所得，乃押令至斌所，識認不許私語。」亮見斌抱主足慟哭，告以家屬被戮，故而因暗指履以示意。及將押去，則言履破，請易之。斌見其無踵也，許易。履亮去，斌悟，意拆履得書。當日卽率僞都司王得功，僞把總畢得臣等共六人渡河，輸欵逆覺之，追不及。馬逆酷刑訊亮者三，但言有家書而終不供。制府有賞諭也，遂醢之。君子曰：亮可謂舍生取義者矣。殺身濟主，而不以洩敗抑，何其智深而勇沈與。又聞斌父以事被誣，時在太學肄業，官索不得，乃執亮拷訊，幾死，終不

吐實事遂以寢則亮之忠義固有素矣

雅雨堂文集

卷四

傳

三

蕭侍讀公小傳

公爲余外舅生有夙慧手紋如硃砂順治甲午初赴省闈卽以第五魁其經戊戌成進士入翰林典江西鄉試得人最盛吉水李尙書振裕年甫十五閱卷決其遠到置第五曰此吾鄉試名次今以衣鉢授之後果以文章事業名于世旣揭曉止滕王閣一夕遂行當事餽一無所受督學畿輔公明並著翁鐵菴尙書冒北籍應童子試縣人攻之急不敢入覆試公索之急教官以暴卒對公爲刻其文深致惋惜後鐵菴入翰林執弟子禮學差將竣行大用矣聞父病力乞終養以歸及丁外艱服闋蔚州魏敏果公象樞方柄用以公與平湖陸

雅雨堂遺集

卷四

傳

三七

清獻公隴其同薦諸朝值

聖祖南巡駐蹕德州

召見行幄公以母老陳情特蒙

俞允遂避迹村野所居曰雲莊傍河爲園誅茅爲屋編槿爲牆寤食遊息其中足不入州城者三十餘年家甚貧而好施予小善無不爲居人感德服教盜賊相戒不入其鄉捐館之日田父漁老皆爲隕涕葉孝廉正夏題其輓聯曰一世清貧學士兩間忠孝完人識者以爲無愧云

山東兗沂曹道張君墓誌銘

乾隆歲甲戌閏四月四日山東分巡兗沂曹道張君鏡園以疾卒于家年甫五十有六孤子桐苦次泣血書狀遣伴至維揚求余志其墓嗚呼君少余九歲余守廬及賴君皆爲余屬君之自合肥而調阜陽也余實薦君才以後游歷監司洎余再轉運淮南而君已謝世是余與君匪徒交好之厚兼君之吏治余知之實深用不敢辭按狀君姓張氏諱潮字蓀華鏡園其自號世爲山陽人祖睿康熙己未科進士刑部右侍郎父鉞乙酉科舉人廣西布政使生子二人君其長也君自幼時出語已驚其長老成童應府縣試輒列前茅庚子登京兆

雅市姜遺集

卷四

誌銘

二

賢書時闈中得君卷咨賞冠日意謂必老宿及榜發君年甫二十有二乙卯謁選得沙河縣缺引

見奏對稱

旨調授合肥縣戊午丁外艱服闋赴部候補得上河南同知旋署沂鄒海贛同知丁卯春引

見實授運河同知是年八月遷萊州守三年授兗沂曹道癸酉八月丁內艱君素有痰疾積年勞瘁屢作屢瘳至是重以哀毀踰年遂卒識者以君不竟其用天不憖遺善人爲可惜也君之初任合肥也余爲廬州守薦之調阜陽甫兩日而定楊牛之獄先是潁州未政府之前某姓失盜盜去遺鐵父一

柄有楊牛者素無賴家有鐵叉其族長疑之因從借叉而又
遠爲人借去疑益不釋因出首署潁州捕牛到案以同夥五
人通報新州至審之無贓乃以族人挾嫌誣良成案署州聞
而詳辯按察使劉公曰此案署州是則五人皆駢首新州是
則其族長亦不宥乃委鳳廬道覆審于時議者以牛家無贓
而失事之家有媳譚爲因姦鳳廬道以所訪聞詰牛等卽誣
服劉公益疑是時潁州新政府其首邑爲阜陽縣余初赴詞
賴卽引君爲首令至則此案例限已逾君夜披之次日卽爲
余具陳前後案情諸疑竇狀庭訊日得失事家本婦歸寧之
月日併于楊牛借叉之家起獲牛叉到縣而姦情與盜案俱
得自是獄也前後歷三年經審兩州牧一道員坐重辟者不
于牛則于其族人君一訊立斷兩釋之而失事家之媳亦得
免汙清白一時稱神明任阜七月格子部議仍還合肥生員
陳鶴年者館遠村許姓久不歸許故富而陳之子無賴誣許
謀殺三控君三斥之君丁艱去其子控于巡撫委安慶守鞠
之許年甫十五不勝刑自誣服案汙及君撫軍趙公曰命案
無尸何能定且吾知張令不如是生員吳某素不平其事潛
往他踪跡之于固始縣遇焉嗚于官事始得白嗟乎以君之
賢深見信于撫軍而被誣幾不自然由此益見君之明斷君
之折獄始終不移多此類其在沂邾也官隸河東而所轄禹

王臺之竹絡壩則江南總河主之以故莫肯措手君按視見壩工危如一綫大驚亟請發帑修造是年沐河暴漲君露宿河干三晝夜帑至剋日興工千夫競作自三月至六月壩成屹如長城之固總河叙績入告調運河同知運河廳與總河同城伏秋兩汎湖河異漲凡五閱月君籌畫機宜多方保護總河完公亟稱之君由是以治河名萊州歷歲被災君首先捐俸于四郊設粥廠至春資送回籍全活無算給歲底貧生薪米修葺北海書院三年陞分巡兗沂曹道壬申四月屬郡蝗蝻起君督率力捕之不爲災次年究屬魚臺縣蝗復熾君方中暑病力疾督捕又丁文彬悖逆事發奉委至江浙捕擒

雅甫蒙叟遺集

卷四

誌銘

三

要犯日夕奔馳而君病亟矣是年八月奉太夫人諱扶輿回淮已羸瘠不能跪拜明年疾益甚遂卒嗚呼君三世貴顯前後世宦歷二十年歿後無半畝之產君嘗謂清慎勤三者而清爲尤要其可謂言行相符者與君性孝友雖宦况蕭然每月必預購太夫人所服參苓弟來省留止數月歸割養廉以贈爲從弟某入資令署陳橋汎員總河完公卒于濟力經理其喪事凡親朋以緩急告無不應者嗚呼君子循吏節行殆兼之矣會其孤來請銘乃仲繫其居官之大者而系以銘銘

曰

剖大疑若著撲盆覆發蔓引絕天生哲人宜大耋胡壽不延

中道折蒼生涕淚心悽惻我勒銘詞永不滅
線索在手捺縱如意此爲廬陵之遺

雅雨室文遺集

卷四

誌銘

三

先叔順也公墓誌銘

叔父諱道和字順也先大夫之同母弟吾家世居直隸之涑水明永樂初始遷德州左衛嘉靖中公六世祖諱宗哲由翰林歷光祿寺卿忤嚴世蕃歸里賜祭葬崇祀鄉賢再傳諱茂官歸德府通判以清勤顯再傳諱永錫以子貴贈承德郎戶部主事生子二長世滋爲公祖太學生次世灌天啟乙丑進士官監察御史崇祀鄉賢著有尊水園諸集行於世世所稱德水先生者也考諱裕前於先大夫令偃師日贈文林郎如其官生六子公行居五公生五歲而孤從先大夫習舉子業爲文窮極理與不務雕繪弱冠受知於督學勞公旋食餼旣數困省試遂以貢選曹縣教諭嘗是時曹以李化鯨造亂之餘人士廢業公設教條所以獎勵之法具備由是曹人始興於學旋丁內艱歸服除補萊州教授其教士一如曹秩滿遷河南府經歷知府范公以疾不視事庶務皆屬公以辦一府稱其廉平府故有藥川鎮倚熊耳山爲險山多礦諸亡命藏匿山洞中盜取礦爲姦利因聚衆長吏不能捕議欲兵之會同郡趙公子京來守河南素知公能曰此一盧某可辦乃命公往公至手爲檄文諭以禍福指說痛切盜恐且悔稍稍自解散公輕騎至其處登高視之曰此盜窟今雖散後必復聚命決伊水灌洞洞沒爲川其患遂息趙公奇其才將首薦公

而趙公死公亦遂去公性慷慨於財利不屑屑計尤篤友愛
當先大夫之歸自隴西也囊空如洗斥產資先大夫不少吝
嘗有同年陳公見智罷官無以爲家公素無交以先大夫故
贈以三百金及公佐河南府而先大夫適官偃師亦分俸資
公泊先大夫致政年甫六十餘精力尙強健親故多勸以年
未老尙可仕公獨力贊歸計未幾亦棄官歸嗚呼公之脫屣
勢利何如也先大夫旣歸諸叔父時尙無恙公復解組相從
兄弟日徜徉林泉以詩酒相娛樂公性豪宕詼諧善談說往
往歡噱絕倒尤嗜飲飲輒數巨斗其未卒之前一夕猶豪飲
不倦嗚呼公可謂全於天者矣其後先大夫年八十有七伯

雅甫室遺集

卷四

誌銘

三

姑年九十有六四叔父年八十有二而公年差不及以康熙
乙未十月一日卒距其生順治壬辰二月二日僅得年六十有
四耳元配王孺人同里貢士諱績公女歸公一年卒年十有
九繼配張孺人景州光祿寺典簿諱文會公女能佐公治其
家識大體公嘗以橐資濟先大夫急不足以產益之而孺人
無後言鄉里至今猶樂稱焉後公二十年卒年八十有二子
男三人顯曾候選州同知娶申氏承曾庠生娶康氏揚曾庠
生娶李氏女二一適候選州同知史之法一適太學生金柙
孫男二人長蒙太學生娶謝氏顯曾出次豐庠生娶李氏繼
娶馮氏又繼娶吳氏承曾出孫女二一適李士瓊一未字承

曾出曾孫男一人重寅曾孫女二人俱豐出卜以乾隆二年十一月二十日葬公於城南盧家莊之新阡以墓中之文命見曾見曾銘其叔父不敢有所加飾竊嘗考前世盜賊之禍其始不過萑苻小警當事者不早爲區處馴至蔓延不可收拾又或銳意立功名視草莽爲奇貨啟釁動衆生民膏血塗凶刃甚至蒙霧露相枕籍死者往往有之如公之在樂川不折一兵不費一矢從容指顧銷變於未然俾民世世無援枹之警流離竄徙之患使其當事任當必卓然有可表見惜乎位卑所施設者止於如此可慨也用敢列其事以詳告來世

銘曰

雅甫堂文遺集

卷四

誌銘

三

文足以致上第而棄不取才足以爲國家用而不得究其施公雖善刀而藏而其能已足自暴於天下考其所已見則其人可知後之君子有用人之責者聞公之事能不爲之感慕而歎歛

只提一事摹寫極出色叙內行不多着筆與通篇一線尤得大體可爲合葬誌文之式

顧震滄

賢可師塔銘

余早歲卽聞海內有高行僧曰兀庵及官楊州識其嗣孫明
隱以其師賢可之塔銘請賢可姓糜氏松江上海儒家子也
母李夫人長齋奉佛方娠感明星入懷之夢生師有夙慧甫
能食聞腥輒吐讀書一目數行十歲能文喜玩佛氏書至十
三忽自嘆曰紅塵富貴幻境也非吾志卽棄家爲楚懷上人
弟子尋受戒湖州龍華寺徧參諸方名宿互証異同後遇兀
菴于嘉定真如寺授以臨濟宗旨直悟上乘居首座江右宰
官紳士聞師名延主貴溪瑞龍寺以圓覺心闡無礙義遠近
雲集爲法中龍象者二十八年嗟夫丈夫生于斯世能洞然

雅甫堂遺集

卷四

塔銘

壹

性善仁義之旨體而行之出爲世用則有聖人之教在如沈
溺俗緣徒爲富貴熏灼孰若師之超離諸象以戒定慧提倡
宗風爲高于人數等哉按師以順治己亥十月十九日生至
康熙庚子六月初一日化去世壽六十有二僧臘四十有八
著有語錄二十卷梅樵詩集二十四卷行世其徒明隱等先
于康熙壬寅葬師于貴溪棲鳳山西臨至乾隆庚申乃爲補銘
明隱宗律兼邃前轉運北平尹公特構樂善菴居之而兀菴
則平陽宏覺禪師高弟時嗣法者百三十餘人考世譜名居
十七余與賢可師雖未嘗謀面觀其師若弟可想見其人矣

銘曰

浮游五濁惡風飄墜師獨超然是真法器遇大導師悟第一
義主席貴溪學者踵至西江一吸不可思議埋骨名山聿有
高弟寶樹慈雲千秋永被

最不喜

爲和尚塔銘多刺取佛經語是徑從彼

教矣此文中一段直是自立身分不愧儒者之言

顧震滄

雅雨堂遺集

卷四

塔銘

三六

先府君夢山公暨先母程王兩孺人行述

先府君諱道悅字喜臣號夢山先世涑水人明初徙德州左衛數傳至光祿公諱宗哲嘉靖乙未進士由翰林院檢討屢遷光祿寺卿以忤嚴嵩致仕崇祀鄉賢光祿公生別駕公諱茂河南歸德府通判別駕公生承德公諱永錫太學生贈承德郎戶部主事承德公生二子長先曾祖諱世滋太學生次諱世漣天啟乙丑進士由戶部主事遷監察御史崇祀鄉賢著有尊水園諸集海內稱德水先生先祖諱裕庠生以府君秩贈文林郎河南河南府偃師縣知縣娶馬氏贈孺人生先伯父繼娶曾氏贈孺人生府君及諸叔父府君年十有五遭

雅雨堂遺集

卷四 行述

三

先大父喪內難外侮乘釁而起先伯父以家貧寄食外家諸叔父皆幼府君孤立十餘年蓋有老成練達所不能爲者善事先祖母雖貧乏不廢甘旨遭家多難私居默默自愁苦對先祖母未嘗無喜色自壯至老朝夕侍左右不得已出遊或至數千里外歸不逾期府君幼而好學甫就塾師學爲文章出語卽驚人及先大父卒先祖母以家難多憂因益感激每下帷往往達旦三年入州庠試輒冠多士已酉舉於鄉庚戌成進士丁巳出爲陝之隴西令其時戎馬在郊軍檄旁午府君諒訪犂晝下不困民而軍需亦無誤舊令張琦卒於官十口無歸府君助之金使歸鄉里隴西輩之首邑輩十三邑軍

需草豆皆聽首邑支放舊以木刻小票爲信奸僞多端府君
悉易以印票無復假冒者某縣以餉運未至一軍盡譁將爲
變府君馳赴之諭以利害盡移本邑草豆假之諸軍感泣曰
此盧公生我也上官亦以爲能隴西兼管捐納事務太守王
肇春屢以空名索填實收府君拒不應肇春怒縱僕役騷擾
驛遞諫之不聽因據實揭之撫軍花善乃以揭報遲延俱被
劾按察使舒公奇府君才直言犯撫軍撫軍亦自悔然已無
及矣官隴西未及一年去之日百姓遮道慟哭者以萬數府
君旣歸里貧甚衣食於奔走因以遊覽天下名山大川遍交
當世賢豪而浙江陸公龍其江南趙公申喬吾鄉郭公琇稱

雅惠美遺集

卷四

行述

三

莫逆焉乙亥復起爲河南偃師令先是偃師經大旱三年民
多流亡土曠廢不得耕府君輕徭賦勸農桑除奸黨數年之
間桑麻遍野戶口繁庶浙江徐公潮巡撫河南一見歎美且
曰君庚戌進士同年皆爲達官據要津余出都門無一人爲
君先容者可以識君之氣骨矣同郡登封縣興大徭役米價
騰踴工直不敷有婦人餓死於室而其夫方忍饑就役尋亦
自盡者府君密請於徐公立發數千金萬姓歡呼皆戴徐公
之德而府君初不以告人歿後門人梁文度於舊書中得其
上書遺稿始知府君之施恩德於人無爲名之累而作事之
縝密爲不可及也壬午充鄉試同考官所取皆一時知名士

官偃師十年其二年以

覃恩封文林郎贈先大父如其官

誥至府君拜受畢悲傷流涕蓋以先祖母憂辛至八十四而終未及見也又八年以老病乞休父老子弟莫不泣下偃有勝地曰鄣溪環溪皆山有美樹清泉芙蓉芰荷芬芳的歷府君愛之因臨溪築亭名曰寄勝以爲勸農游息之地去後父老卽於其地爲府君構生祠歲時伏臘及府君生朝皆躋堂稱觥至今不絕甲辰不孝見曾授洪雅令之官道經其地父老皆遮道問府君無恙歡慰如家人追攀數十里至流涕而去嗚呼府君之恩德人人深矣府君年五十始生不孝見曾嘗爲

雅雨堂遺集

卷四 行述

三

詩曰計汝成立時吾已七十翁老幼不相持念之心忡忡不孝每誦斯言未嘗不垂涕思竭力及時以養吾親也後爲洪雅令願乞終養府君以書戒曰汝自顧才行何如今

恩遇過分如此而不思一效犬馬之力可謂孝乎且余雖老康強如故未遽就木也不孝拜讀此書又未嘗不垂涕思竭力事吾

君以慰吾親也而府君乃遽棄我而逝矣嗚呼痛哉初先伯父寄食外家府君亦貧不自存後稍能自給迎之歸諸叔父皆依府君成立府君之姊適鄭氏孀居而貧府君析宅居之又爲經營田產教其子入庠府君長鬚髯善談笑飲酒多而

不亂性淡泊食無兼味冬夏一裘一葛與人和易然執持禮法不爲苟且詭遇先季父卒府君年八十盡哀疏布及期治家以勤儉而未嘗吝施與歸老二十餘年足跡不履公庭杖履所至二三故舊而已或以敝車羸馬出遊郊外同交野老皆引而近之府君工舉子業生平所爲文多散見於試牘及房刻之中尤善決人科第百不失一所爲詩有公餘草一卷行於世晚年有與謝方山先生唱和詩及諸雜詩俱未授梓教子弟及門人循循有規矩門人之受業者及偃師之士昔嘗奉教者皆能文章掇巍科砥行而礪名焉府君生於崇禎十三年十月七日卒於雍正四年正月二十六日年八十有七

雅甫先生遺集

卷四

行述

四

府君旣歿之明年鄉先達暨諸學士聞人知府君者皆以爲宜列於古之祀典於是撮舉其平生行已澤物之大端聞於州牧而達於朝請

旨入鄉賢祠歲奉祭祀

先嫡母姓程氏封孺人邑庠生諱先猷之女從父諱先祐以無子養爲己女先曾祖母程太君司空公諱紹之女嫡母太君之從孫女也嫡母生長於富貴之家而性儉樸不愛金翠綺紈年十六歸府君府君方窮困諸叔父長者不過數歲幼者方在乳哺嫡母盡出外家所裝送珠玉錦繡易米與錢佐

先祖母以給饗殮撫諸叔父至長大婚娶以次畢拮据萬端無怨言亦無德色先祖母嘗顧諸叔父曰此汝嫂乎汝母也嫡母逮事祖姑程太君嫡母太君之從孫女太君年高嫡母曲意調護太君愛之人或不知以爲太君愛孫女也鄭氏孀姑府君既與之析屋而居嫡母尤加愛敬姑終年九十餘嫡母亦八十餘間衣服視飲食必躬必親平居嫺闈範尤謹於婚喪大事周旋折旋必中規矩親族中有年少驕稚愆於儀者輒教之莫不服從嫡母生子皆不育未四十爲府君置側室試其賢則委以家事愛諸庶子如己出不孝見曾幼孱弱日夜時置於懷雖在先生母手猶顧復不能自休旣就傅或

雅東笑遺集

卷四

行述

四

以嬉戲背府君訓必掩飾之府君覺察發怒則引之膝下多方勸勉以慰府君府君怒釋則已不釋必欲撻之遂泣嗚呼痛哉嫡母自少通佛氏書嘗從比丘尼授經受持數十年性定而多慧門內吉凶或前知之晚年多病雖甚劇自知必愈丁未春忽省視所備衣衾六月得病遽言身後事一日見青衣童子二人跪於前若請其行顧諸不孝曰吾去汝矣默然端坐須臾而逝嫡母生於崇禎十五年九月二日卒於雍正五年七月三日年八十有六

先生母姓王氏例得贈孀人江南高郵州處士諱式棟之女年十五侍先府君側先祖母一見輒色喜謂先嫡母曰是能

佐汝理中饋者汝善視之先生母性矜貴而好勤苦用物無
豐儉必適其宜供祭祀奉高堂燕嘉賓逮羣下不速之客不
時之需米鹽茶菹蔬菜之屬無不手自綜理物不妄費而人
亦無歛望先嫡母賢之府君之宰偃師也悉以家政委焉生
見曾既總角讀書先嫡母以府君晚而有子愛憐甚不令督責
之先母陰課以嚴而陽示以寬不廢見曾之業而又能安嫡
母心先母未讀書不解文義每見曾作文默識其圈點改抹
之多寡以定美惡美則賞以果餅及所嗜好之物惡則斥辱
之不少假顏色方見曾自偃師歸應童子試時年十五道經
千里先嫡母難之先母請曰大人持文衡決人科第如影響
今已許兒矣且兒已成童宜使知勤苦盍遣之是年遂入州
庠辛卯舉於鄉屢會試下第見曾念先府君及嫡母年高不
爲進取計會以事忤州牧見曾忿不能平先母諭之曰曲在
彼直在我夫何傷且汝惟不早登高第故至此見曾感激發
憤明年遂捷南宮及爲洪雅令府君命奉母以行洪邑故多
雜派其得之以自奉者已決除之矣其有關公務除之則不
免於賠累者猶豫未決先母又諭之曰雜派之爲害官一吏
十而民百也今有除有不除其不除者既無以取信於民而
其已除者吾恐民亦不信而吏仍緣以爲奸也乃爲經畫一
年之費量入爲出約之又約曰急除之無需此矣以不孝之

才謏能薄理繁劇可幸無罪者先母之教也先母之從子王安國舉於鄉下第歸過德州先母爲治裝以行謂見會曰吾宗江南望族今衰薄甚矣能興吾宗者其此子乎甲辰果魁天下殿試鼎甲第二人入翰林先母素無疾病聞府君卒終日號泣萬里奔喪撫棺大慟遂病不起嗚呼痛哉先生母生於康熙三年七月九日卒於雍正四年十一月十三日年六十有三

府君之子四人長見曾娶戊戌科進士翰林院侍讀蕭公諱惟豫女次聞曾娶候補主政羅公諱繼祖女俱王孺人出次昭曾娶候選訓導趙公諱如韓女繼娶齋山衛教授李公諱

雅雨堂文遺集

卷四

行述

聖三

元琛女繼聘景州乙酉科舉人霸州學正張公諱淮女次輝曾聘交河縣乙酉科舉人王公諱極女俱席母崔氏出女五人長適太學生陳嘉言次適太學生程耘俱程孺人出次適交河縣庠生王嶠次適候選州同羅楠俱王孺人出次適李世佩崔氏出孫三人長見曾子謙次聞曾子讓次聞曾子謚今卜於雍正七年九月十一日合葬於城南紀家莊之新阡

先室蕭宜人行述

宜人姓蕭氏翰林侍讀韓坡先生諱惟豫第六女先生與先大夫同里閨前後成進士晚而益相友善遂以其季女妻予先生方正鴻儒清操聞海內宜人熟悉家訓故年十六歸予而能修婦順宜人之姊五人所適皆貴且富惟予家貧每歲時諸親宴集衣服皆溫麗瑤環瑜珥宜人樸素自如未嘗假他人服飾先夫人致政還家先嫡母程太宜人春秋高內政悉委先生母王太宜人宜人在膝下若女之於母唯唯諾諾亦不甚治女紅若無所長者然自爾太宜人以及吾庶母姊妹諸弟婦無不相得歡甚吾姊程太宜人所生年長而性直於禮法疎者常面斥之獨宜人一作一止無不可其意吾有姑年九十餘爾太宜人所愛敬每來歸入門輒呼宜人或值宜人歸寧則不樂而爾太宜人自顧家婦不在亦若無以爲吾姑歡嗚呼吾家耄耋之人皆歿未久而孰謂宜人忽已逝矣予年二十有二舉于鄉又三年生子謙又七年予成進士待次於京師兒謙已就外傳宜人不以獨子愛甚廢課督也又四年予官四川洪雅以先大人命奉王太宜人以行萬里所經危棧入雲下臨不測之谿谷驚魂魄宜人心怖而色愉每食必勸太宜人加餐嗚呼使我太宜人不知有蜀道之難者宜人也洪雅故多雜派太宜人悉命除之一以儉潔治

其家宜人居陋室茅茨不翦壁不墁衣麤茹苦以佐太宜人太宜人賢之其後從吾歷官居他署王太宜人卒有年矣而終守其訓不衰嗚呼吾至今入閭內宛然如太宜人在時也先大人訃聞予萬里奔喪狼狽已甚甫至家而王太宜人忽又棄世米鹽菹菜絲枲之務宜人素所未經方哭泣臨喪而經理細大無不得宜又一年程太宜人亦棄世宜人連遭大故侍湯藥衣不解帶撫棺臨穴物有宜事有法情盡禮卒家之尊卑長幼無訾議者蓋予與宜人相依幾二十年而始知內助之賢若此也嗚呼傷哉程太宜人少閱金經通佛理佛理宜人茫無所曉然太宜人禮佛亦禮佛太宜人歿遂終

雅雨堂遺集

卷四

行述

四

身事佛服闋予補官蒙城遷六安州宜人自以獨子身多疾病不復生育勸予置倒室有娠喜見顏色甲寅六月子調治亳州次子詔生宜人已卧病矣喜甚強扶而起進飲食賜之衣服及洗兒錢嗚呼此子不幸而不及待宜人撫字之矣吾弟婦羅氏繼程太宜人而歿遺從子男一人女二人宜人撫之如己所生子官蒙城以來三子與繼娶弟婦王氏皆在署中宜人與王氏絕甘分少三子皆忘其爲從母也宜人生母卞太孺人老且病以兄貧時時致其憂及病革惟念不得送卞太孺人終以爲憾其至性若此遇奴婢以寬有過不加鞭笞而事亦卒無不治嗚呼今宜人逝矣求事之不勞而治如

宜人在時豈可得哉宜人生於康熙辛未年八月二日卒於
雍正甲寅七月二十日年四十有四長子謙己出娶景州李
氏江南常州府知府諱廷徵孫女候選州同知諱範曾女次
子詔高氏出

雅東堂文遺集

卷四

行述

四十六

先曾祖雅雨公最篤師友之誼以故名入著作卓有可傳
皆序梓而表章之所刻已不下數十種而手所自著詩八
集文十餘卷惟塞外詩有板本餘雖編定悉遭回祿天下
惜之先祖所掇拾唯古文七十篇詩二百七十首又以官
守所羈未暇補綴而傳舍遷移又幾經散失矣先父伯叔
宦游歸田始能於姻家故舊訪求先人遺稿積之數十年
先後僅得詩文數十篇終以不獲全集爲恨欲授梓而不
果樞少以羸疾廢學然先人手澤敢一日忘耶由是不揣
鄙陋思欲輯錄成書以繼先人之志近延金立方先生授

序

四七

諸子經聞其師封棗堂先生家藏有我先曾祖詩文若干
篇急求借鈔雖非全稿然合前後所得已有詩二卷文四
卷恐歲久復有散失則無以慰我祖父之心且并無以伸
天下惋惜者之意矣因亟商於金君立方王子品泉共相
校讐付諸剞劂倘此後片稿零箋有能更出以相示俾得
補成全集以與當代名人詩文並傳於世是又在諸君子
與善爲懷而爲吾先曾祖以下之所深幸也夫道光己亥
桂月望日曾孫樞謹識

